

THAPELO LE HO ITIMA LIJO

Lenane-Thuto

Notes —

THUTO EA #1:

- I. Thapelo:
 - A. Thapelo ke eng?
 - B. Lintlha tse supileng tsa Thapelo.
 - C. Litlhahiso le Litholoana tsa Thapelo: Litlhahiso tsa Thapelo.

THUTO EA #2:

- I. Thapelo:
 - C. Litholoana tsa Thapelo. (nts'etso-pele.)
 - D. Litsela tse 'ne tsa ho rapela.
 - E. Hora ea ho rapela: bala Math 26:40.

THUTO EA #3:

- I. Thapelo:
 - E. Hora ea ho rapela: Mefuta ea Thapelo.

THUTO EA #4:

- I. Thapelo:
 - F. Ts'ebeletso ea Thapelo;
 - G. Moapostola Paulosi le Thapelo.

THUTO EA #5:

- II. Ho itima lijo.
 - Tlhahlobo.

THAPELO LE HO ITIMA LIJO

Tlhahlobo

Notes —

Lipotso tse ka lebelloang, limaraka li 20

- 1) Khetha tse ‘ne tsa lipolelo tsa “thapelo ke...” e be u li sebelisa ho hlalosa thapelo (leq. 87).
- 2) Bolela o be o hlalose litsela tse ‘ne tsa ho rapela. Kenyeletsa litemana tse ts’ehetsang bakeng sa tsela ka ngoe (leq. 91).
- 3) Khetha mefuta e meraro ea thapelo e tlasa “hora ea matla” e be u hlalosa le ho hlakisa kamoo mofuta ka ngoe o etsoang ka teng (maq. 93-98).

Lipotso tse ka lebelloang, limaraka li 10

- 1) Bolela lintlha tse supileng tsa thapelo tse fumanoang ho Matheu 6:9-13 (leq. 88).
- 2) Fana ka litlhahiso tse peli malebana le thapelo (maq. 88, 89).
- 3) Hlalosa litholoana tse peli tsa thapelo (leq. 90).
- 4) Teroea oache ea hora ea matla (leq. 93).
- 5) Bolela Mangolo a mararo a bonts’ang lithapelo tsa Paulosi (leq. 99).
- 6) Bolela litholoana tse peli tsa ho itima lijo o be o kenyeletse le mangolo a li ts’ehetsang (tholoana ka ngoe) (leq. 101).

THAPELO LE HO ITIMA LIJO

I. Thapelo.

Notes —

Maikutlo a Sengoli:

Motho e mong o kile a re, “Bakreste ha ba sebe. Ba mpa ba arolelana likopo tsa thapelo.” Ka bomalimabe, se lupuoang ke bosoaso bona ke ‘nete likarolong tse ling tsa kereke. Batho ba bang ba nka thapelo e le karolo ea phelisano ea bona. Ba e nka e le sesebelisoa sa ho ipona bohla le ho sebelisa batho ba bang hampe molemong oa bona. Leha ho le joalo, thapelo ha se sena ho hang.

A. Thapelo ke eng?

1. **Thapelo Ke boikokobetso.** Thapelo e re ho Molimo: “Nke ke ka khona ho etsa letho, empa Uena u na le bokhoni.” Jn 3:30
2. **Thapelo Ke Boit’setleho.** Thapelo e re ho Molimo: “Ke U hloka litselng tsohle tsa ka.” Liprov 3:5, 6
3. **Thapelo ke ho Ts’epa.** Thapelo e re ho Molimo: “Ke boloka nako ea ka bankeng ea hau.” Luk 11:10; Jn 15:4
4. **Thapelo ke Kamano.** Thapelo e re ho Molimo: “Ke entse qeto ea ho arolelana le uena mathata a ka, litakatso tsa ka, thabo ea ka, le litoro tsa ka. Kaholimo ho tsohle, ke entse qeto ea ho arolelana nako ea ka le uena.” 1 Jn 1:3
5. **Thapelo ke Tumelo.** Thapelo e re ho Molimo: “Kea elelloa hore U teng. Ke lumela hore oa nkutloa le hore u tla nkaraba.” Bah 11:6, Jak 1:6
6. **Thapelo Ke Lerato.** Thapelo e re ho Molimo: “Ke entse qeto ea ho amohela lerato la hau, le ho u bonts’a lerato la ka nako eo ke u fang eona.” Bar 8:15
7. **Thapelo ke Chalimo e Nepahetseng ka Uena.** Thapelo e re ho Molimo: “Ke sebopuo. Uena u ‘Mopi.’” Jn 3:30; Bar 9:20

THAPELO LE HO ITIMA LIJO

Notes

B. Lintlha tse Supileng tsa Thapelo.

1. Bala Math 6:9-13 ho hlaloba lintlha tse supileng tsa mokhoa oa ho rapela.
2. Lintlha tse supileng malebana le thapelo.
 - a. Thoriso (tem. 9).
 - b. Kopo (tem. 10).
 - c. Ho arabeloa ha litlhoko (tem. 11).
 - d. Ts'oarelo (e tsoa ho Molimo-- tem. 12).
 - e. Ts'oarelo (bakeng sa ba bang-- tem. 12).
 - f. Ts'ireletso (tem. 13).
 - g. Phatlalatso (tem. 13b).

C. Litlhahiso le Litholoana tsa thapelo.

1. Litlhahiso tsa Thapelo.
 - a. Rapela ka mokhoa o bobebe joaloka ngoana. Rapela ka ts'epo le tumelo joaloka ngoana.
 - b. Bala le ho ithuta ka thapelo ho u thusa ho rapela ka matla. Leha ho le joalo, hopola hore thapelo e ithutoa ka ho e etsa.
 - c. Qoba lithapelo tse ichebang bo-uea feela (Jak 4:3).
 - d. Etsa likopo tse kholo ho Molimo o moholo (a ka etsa tsohle).
 - e. Etsa likopo ho Molimo ea nang le kamano le uena. Ekasitana le lintho tse nyane tsa bophelo ba hau, oa litsotella.
 - f. Ho rapela **ka** lebitso la Jesu, re lokela ho rapela malebana le thato ea Molimo. Pele ho tsohle, rapella ho tseba thato ea Molimo. E be u etsa kopo ka lebitso la Jesu (1 Jn 5:14, 15).

THAPELO LE HO ITIMA LIJO

- g. rapela ka tumelo, ts'epo le sebete. Ts'epa Molimo (Jn 14:13, 14; Jn 16:23; le Math 18:19, 20).
- h. Ipolele libe tsohle kapele kamoo o ka khonang (Pes 66:18).
- i. Ho bohlokoa ho lula ho Kreste le ho etsa seo a se batlang (Jn 15:7; 1 Jn 3:22).
- j. Re lokela ho rala nako e khethehileng letsatsi ka leng ea ho rapela (Mar 1:35; Dan 6:10; le Luk 5:16).
- k. Ka ho fetisisa, re lokela ho holisa sebopeho sa borapeli. Re lokela ho phela bophelo ba thapelo, bophelo bo batlang ho ba kopanong le bongoeng le Molimo kamehla (Liprov 3:6; 1 Bathes 5:17; le Bae 6:18).
- l. Thapelo e lokela ho otloloha, le ho toba. Ha thapelo e otlolohile, karabo le eona e tla ba e tobaneng le kopo eo ka botlalo.
- m. Hopola hore hona le theko e phahameng thapelong.
 - 1) Hangata, ha theko(ts'ebeletso e matla) e le kholo, tefo e kholo (bala Luk 21:1-4).
 - 2) Mohlala, hona le theko(ts'ebeletso e matla) e kholo e hokahanyoang le thapelo ea hoseng, thapelo ea bosiu bohle, le thapelo e tsamaeang le boitimo ba lijo. Leha ho le joalo, le litholoana li kholo.
- n. E ba le kamano e tebileng le Molimo. Bua le eena ka tsela e bonolo joalokaha o bua le motho.
 - 1) Pel'a Molimo, se le ke ho pata bo-uena, se ikhakanye.
 - 2) E ba le 'nete le ponaletso (etsoe Molimo o tseba tsohle!).
 - 3) Se rapele lithapelo tse phetoang-phetoang, tse ngotsoeng, tse etsisoang kapa hona ho beha lipolelo molomong oa hau. Leka ho qoba litloaelo tsa bokereki tse se nang moelelo.
 - 4) Etsa bonnete ba hore u mamela Molimo. Nka nako ea ho momamela.
 - 5) Beha nako ea ho rapela letsatsi ka leng.
 - 6) Se ikutloe e ka o rohakehile ha o se na thahasello ea ho rapela, empa leha ho le joalo, rapela. Thahasello e tla latela.

Notes —

THAPELO LE HO ITIMA LIJO

Notes

2. Litholoana tsa Thapelo.

- a. Hona le boikutlo ba khotso le ts'ireletseho e tlišoang ke ho qeta nako le Molimo (Baf 4:6).
- b. Thapelo e re thusa ho lula re kokobetse ebile re robetse pel'a Molimo. Kahoo, hona le tholoana ea molemo oa Molimo (1 Petr 5:5; Math 23:12).
- c. Thapelo e re thusa ho phema teko (Math 26:41).
- d. Thapelo e holisa chalimo ea rona ea bonnete bo **feletseng**. E re thusa ho bona bonnete ba lintho tse sa bonoeng. (2 Mar 6:17; 2 Bakr 4:18).
- e. Thapelo e re fa boikutlo ba katleho le sebete (2 Likr. 26:5).
- f. Thapelo e re fa boikutlo ba katamelano le botebo ba kamano ea rona le Molimo.
- g. Thapelo e re thusa ho tseba Molimo le litsela tsa hae. Ho tseba litsela tsa motho a itseng, ho hlakisoa ke nako e ngata eo o e nkang le motho eo. Hona ho a ts'oana le Molimo.
- h. Thapelo e re thusa ho tiemela bo-rona. E re thusa ho se ichebe bo-rona feela, hoo re qetellang re tsotella litlhoko tsa ba bang.
- i. Thapelo e re tliša bongoeng le ba bang (bao re rapelang le bona, le bao re ba rapellang).
- j. Thapelo e re thusa ho tseba merero le thato ea Molimo.
- k. Molimo o araba thapelo.
- l. Hona le thabo ho kopaneng le Molimo ka thapelo.

THAPELO LE HO ITIMA LIJO

D. Litsela tse ‘ne tsa ho rapela.

Notes —

1. Thapelo ea lekunutu.
 - a. Litsela tse ling tsohle tsa ho rapela li qala mona. Ke tsela ea motheo (bala Math 6:6).
 - b. Ho bohlokoa ho ba le “kamore e kahare.”
 - c. Litholoana tsa lithapelo tsa motho ka mong li kholo haholo (Jak 5:16).
2. Balumeli ba rapela ka tumellano.
 - a. bala Math 18:19.
 - b. Taba kholo e tumellanong. Ho rapela ka tumellano ke ho ba bongoeng.
 - c. Mohlala e ka ba oa mosali le monna ba rapelang ‘moho.
3. Thapelo lihlopheng tse nyane.
 - a. bala Math 18:20.
 - b. Tsosetso tsa Methodist naheng ea England, li hlahisitsoe ke lithapelo tsa lihlopha tse nyane.
 - c. Likamano tse matla li hahoa borapeling ba lihlopha tse nyane.
4. Lithapelo tsa Phutheho (kereke eohle).
 - a. bala Liketso 1:4, 14; le 12:5, 12.
 - b. hopola, kereke ea pele e ne e le kopano ea thapelo (Lik 1:14).

THAPELO LE HO ITIMA LIJO

Notes —

E. Hora ea Thapelo (e sebelisitsoe ka tumello ea Dick Eastman).¹

1. Bala Math 26:40.

- a. Jesu o ile a botsa barutuo ba hae, “Na e be le sitiloe ho falimeha le ‘na hora e le ngoe?”
- b. Jesu o re botsa potso e ts’oanang le kajeno. Na re ka fana ka hora e le ngoe feela ea ho rapela letsatsing?

Mohlala oa Sengoli:

Mo-America oa leboea, o shebella telefishini lihora tse ‘ne letsatsi le letsatsi. Empa bona batho bana, ba re ha ba na nako ea ho rapela. A ku nahane ka lethathamo la hau la mesebetsi le linako tsa letsatsi le letsatsi. Sheba tse ling tsa lintho tseo o li etsang ka hora, kapa lihora ka letsatsi. ‘Nete ke hore thapelo e bohlokoa ho feta tse ling tsa lintho tseo (mohlomong e bohlokoa le ho li feta kaofela). Potso ea Jesu e tsoelapele ho luma likelellong ka mengoaha le mengoaha: “Na e be le sitiloe ho falimeha le ‘na hora e le ngoe?” o emetse karabelo!

Beha mohlala oa hau


- c. Ka nako e ngoe ho thata ho rapela hora.
- d. Ho bohlokoa ho sebelisa mefuta e fapaneng ea thapelo. Ho rapela ka litsela tse fapaneng ho ka re thusa ho rapela ha lelele.

THAPELO LE HO ITIMA LIJO

Ntlha ea Puisano

Notes —

Sebelisa sets'oants'o sena le litlhaloso (e sebelisitsoe ka tumello ho tsoa ho Dick Eastman)¹ ho akofisa litsela tse fapakaneng tsa ho rapela le molemong oa ho rapela hora. Bakeng sa thapelo ka ngoe, u lokela ho nka metsotso e mehlano.



2. Mefuta ea thapelo.

a. Thoriso—ketso ea ho adora Molimo.

- 1) Khetha sehlooho se khethehileng (bohola ba Molimo, toka ea hae, lereko la hae, jj).
- 2) Phatlalatsa sohle seo Molimo a leng sona malebana le ntlha eo.

b. Ho ema—ketso ea ho inehela.

- 1) Itumelle ho phomola moo ho khutsitseng.
- 2) A ku nahane ka Molimo feela. nahana ka Ntate, Mor'a le Moea o Halalelang.
- 3) Tsepama leratong la Molimo.
- 4) Tsepamisa maikutlo tabeng ea boinehelo le boitolobetso ba hau ho Molimo.

THAPELO LE HO ITIMA LIJO

Notes

- c. boipolelo—ketso ea ho amohela hore u moetsalibe ebile u hloka mohau oa Molimo.
 - 1) Sebelisa Pes 139:23, 24.
 - 2) Ipolele libe.
 - 3) Bolela tlhoko ea hau ea tataiso le tlolo ea Moea o Halalelang.
- d. Rapela o ipapisitse le Mangolo—ketso ea ho ea lentsoeng.
 - 1) Joalokaha re rapella tlhohonolofatso lijong tsa rona tsa nama, re lokela ho qala ka thapelo ea tlhohonolofatso lijong tsa rona tsa moea.
 - 2) Hlahloba e ngoe ea lirapa tsa Bibe. Rapela o ipapisitse le lits'episo, litaelo, le moelelo oa serapa seo o se balileng.
 - 3) Sebelisa lithapelo tsa Bibe. Rapela thapelo eo e le ea hau.
 - a) Thapelo ea tlholo (2 Likron 13:14).
 - b) Thapelo bakeng sa ngoana (Gen 15:1-6).
 - c) Thapelo bakeng sa ba boholong (1 Tim 2:1, 2).
 - d) Thapelo bakeng sa tataiso (Gen 24:12-52; 2 Sam 2:1; Baahl. 13:8-15).
 - e) Thapelo bakeng sa ts'enolo (Lik 10:1-33; Bae 1:17-23).
 - f) Thapelo bakeng sa tsebo (Dan 2:17-23).
 - g) Thapelo bakeng sa tlhohonolofatso (2 Sam 7:18-29; 2 Likr 30:27).
 - h) Thapelo bakeng sa thuso (1 Sam 23:10-13).
 - i) Thapelo bakeng sa mohau (Pes 25:16).
 - j) Thapelo bakeng sa sebete (Lik 4:24-31).
 - k) Thapelo bakeng sa ho netefalloa ke pitso (Baahl. 6:36-40).

THAPELO LE HO ITIMA LIJO

- l) thapelo bakeng sa bophelo bo ntlafetseng (2 Mar 20:1-11).
 - m) Thapelo bakeng sa katleho (1 Likro 4:10).
 - n) Thapelo bakeng sa ts'ireletso (2 Likr 20:5-12, 27).
 - o) Thapelo bakeng sa khanya ea Ntate (Jn 12:28).
 - p) Thapelo bakeng sa kereke (Jn 17:1-26).
 - q) Thapelo bakeng sa tokoloho (Math 26:39, 42, 44; 27:46).
 - r) Thapelo bakeng sa ts'ireletso leetong (Esera 8:21, 23).
 - s) Thapelo bakeng sa kutloisiso (Gen 25:22, 23; Bae 3:17-19).
 - t) Thapelo bakeng sa matla (Baahl. 16:29, 30; Bae 3:16).
 - u) Thapelo bakeng sa bohlale (1 Mar 3:6-14).
- e. Shalima/lemoha – ketso ea temoho ea kelello.
- 1) Lula o falimehile moeeng. Hlokomela mekhoa ea tllhaselo eo satane a ka e sebelisang khahlanong le uena, e be o bolela matla a Molimo a u thusang ho hlola sera.
 - 2) Hlokomela liketsahalo tsa lefats'e. Rapela ka kutloelo-bohloko ka tataiso ea Moea o Halalelang.

Notes —

THAPELO LE HO ITIMA LIJO

Notes

- f. Ho rapella ba bang ka matla.
 - 1) Rapella ho ba le mojaru bakeng sa ba bang.
 - 2) Tsepamisa maikutlo likarolong tse 'ne:
 - a) Rapella hore ho romeloe basebetsi ba bang kotulong.
 - b) Rapella hore mamati a bosebeletsi a bulehe bakeng sa basebetsi.
 - c) Rapella hore litholoana li bonahale bosebeletsing ba bona.
 - d) Rapella tlhahiso ea ts'ehetso ea lichelete bakeng sa bosebeletsi ba ts'imong.
 - 3) Kenyeletsa linaha tse khethehileng le baetapele ba itseng lithapelong tsa hau.
- g. Likopo—ketso ea ho ithapella.
 - 1) Kopa tataiso ea Moea o Halalelang ho u thusa ho rapela malebana le thato ea Molimo.
 - 2) Hlahloba lethathamo la hau la linako le mesebetsi ea letsatsi, e be u sheba litlhoko tse hokahanang.
 - 3) Bua le Molimo ka litlhoko tsena, 'me o hlalositse Molimo ka likopo tsa hau.
 - 4) Hlalosa maikemisetso a hau. Etsa bonnete ba hore a hloekile.
- h. Leboha—ketso ea ho fana ka teboho.
 - 1) Sheba lintho tsohle tseo Molimo a u etselitseng tsona matsatsing a fetileng.
 - 2) Fana ka liteboho tse otlohileng bakeng sa:
 - a) Litlhohonolofatso tsa semoea.
 - b) Litlhohonolofatso tsa nama.
 - c) Litlhohonolofatso tsa lintho tse ts'oarehang.

THAPELO LE HO ITIMA LIJO

- 3) fana ka liteboho bakeng sa litlhothonolofatso tsa lintho tse lebeletsoeng bokamosong.
 - 4) Kamehla leka ho fana ka liteboho bakeng sa ntho eo o so kang o leboha ka eona ho hang.
- i. Ho bina—ketso ea khumamelo ka lipina.
- 1) Khetha sehlooho se khethehileng.
 - 2) Bina pina ka sehlooho seo.
 - 3) Kopa hore Molimo a u bilullele “pina e ncha” ho tsoa ho Moea oa Molimo.
- j. Thuisa le ho nahanisisa—ketso ea boitliahlobo ba semoea.
- 1) Khetha sehlooho se khethehileng. Tsepamisa maikutlo lintlheng tse itseng sehloohong seo.
 - 2) Sheba mahlakore a fapakaneng a ntlha ka ngoe.
 - 3) Ipotse lipotso ‘me o sebelise Bibe le ho fumana likarabo.
- k. Ho mamela—ketso ea ho amohela ho tsoa ho Molimo (kelellong le moeeng ka bobeli).
- 1) Botsa Molimo lipotso tse khethehileng. Toba, se akaretse. Kopa tataiso le kutloisiso. Kopa Molimo hore a u bonts’e tsela ea ho rarolla mathata.
 - 2) Batlisisa le ho fumana likarabo Bibeleng.
 - 3) Hlahloba lintho tse potileng maemo a fapakaneng. Kopa Molimo hore a u fe bohla le kutloisiso. Mokope ho u arolela morero oa hae le ho u fa tataiso.
 - 4) Ela Moea o Halalelang hloko. Mamela. Ngola lintho tseo o lumelang hore Molimo oa li buoa ho uena.

Notes —

THAPELO LE HO ITIMA LIJO

Notes

1. Thoriso—ketso ea ho phahamisa Molimo.

1) Ka ho otloloha, rorisa Molimo bakeng sa boholo ba hae. Tsepama haholo holima:

a) Matla oohle.

b) Bohlale bo phethehileng.

c) Boteng ba kamehla.

2) Rorisa Molimo bakeng sa monyetla oa ho qeta nako le eena. Mororise bakeng sa lithapelo tse ileng tsa arajoa.

3) Qetella hora ka moea oa nyakallo. Kopa hore Molimo a u etellepele, uena molatele ka hallelujah le amen e matla!

Mosebetsi o amanang le thapelo:

Etsa lihlopha tsa batho ba bahlano kapa ba ts'eletseng.

Teroea letlapeng le ngollang (kapa moo e mong le e mong a ka bonang) selikalikoe sa “hora ea matla”. Motho ka mong o lokela ho ba le lintlha tse ngotsoeng tsa mefuta e 12 ea thapelo kapele ho eena.

Sebelisa hora e le ngoe ea thuto ho rapela. Sebelisa lintlha tse kapele ho lona e le tataiso. Se ke be oa ikutloa o tlameha ho etsa tsohle tse lethathamong le ngotsoeng. Lumella Moea ho u tsamaisa!

Khothaletsa baithuti ho sebelisa tseo ba ithutileng le ho ba le nako ea hora hoseng ho hong le ho hong thapelong. Qalehong ea lithuto tse ling tse setseng, fana ka nakoana e itseng bakeng sa baithuti ho fana ka mapaki malebana le nako ea bona ea ho rapela.

THAPELO LE HO ITIMA LIJO

Moapostola Paulosi le Thapelo:

Re ithuta ho Paulosi linthong tse ngata. Thapelo ke e ngoe ea likarolo tseo Paulosi a neng a le matla haholo ho tsona. Paulosi o phetse bophelo ba thapelo, a khothaletsa le ba bang ho rapela. Re ka ithuta haholo ka thapelo ka boithuto bo batsi ba lithapelo tsa hae.

Bala, thuisa, le ho sebelisa lethathamo le latelang la lithapelo tsa Paulosi ho ithapella le ho rapella ba bang.

- 1) Bakeng sa ho phela ka nepo (2 Bakr 13:7; Baf 1:9-11; Bak 1:9, 10; 1 Bathes 3:12, 13; 1 Bathes 5:23; le 2 Bathes 1:11).
- 2) Bakeng sa tsebo e batsi e tlang ka boitsebelo:
 - Ba Morena ka sebele (Bae 1:17; Bak 1:9, 10).
 - Ba thato ea Hae (Baf 1:9, 10; Bak 1:9).
 - Ba lerato la Hae (Bae 3:17-19; 2 Bathes 3:5).
 - Ba Ts'epo ea Evangeli (Bae 1:18; Bar 15:13).
 - Ba tseo re li fumanang ka evangeli (Bae 1:18; Fil 6).
 - Ba matla a Hae (Bae 1:18, 19).
- 3) Bakeng sa ho matlafatsoa (Bae 3:16, 17; Bak 1:10, 11; 1 Bathes 3:13; le 2 Bathes 2:16).
- 4) Bakeng sa menyetla le katleho ea bosebeletsi (Bar 1:9-11; 1 Bathes 3:10; Bar 15:30, 31; Fil 6; Bak 1:10; le 2 Bathes 1:11).
- 5) Bakeng sa ho eketseha ha lerato (Baf 1:9; 1 Bathes 3:12).
- 6) Bakeng sa hore Bakreste ba phele le ho sebeletsa ka bongoe (Bar 15:5,6).
- 7) Bakeng sa Mohau le khotso (2 Bathes 3:16; 1 Bakr 1:3; 2 Bakr 1:2; Bag 1:3; Bae 1:2; Baf 1:2; 4:23; Bak 1:2; 1 Bathes 1:1; 2 Bathes 1:2; 1 Tim 1:2; 6:21; 2 Tim 1:2; Tit 1:4; le Fil 3).
- 8) Bakeng sa pholoho ea Israele (Bar 10:1).
- 9) Bakeng sa hore Krete a lule ho rona ka tumelo (Bae 3:14-17).
- 10) Bakeng sa botlallo ba Molimo (Bae 3:17-19).

Notes —

THAPELO LE HO ITIMA LIJO

Ntlha ea Puisano

Notes —

Ke lintho li fe tseo re ka ithutang tsona bophelong ba Paulosi ba borapeli?

II. Boitimo ba Lijo.

A. Boithuto ba Bibe le ka Boitimo ba Lijo.

1. Linako le liketsahalo tseo boitimo bo ka etsoang.
 - a. Koluoa e akaretsang (1 Sam 31:11-13).
 - b. Maikutlo a motho ka bo-mong (1 Sam 1:7).
 - c. Bofifi (2 Sam 12:16).
 - d. Ha maikutlo a ts'oenyehile (Dan 6:18-20).
 - e. Haeba ho bonahala e ka kotsi e ka 'na hlaha (Esetere 4:16).
 - f. Bakeng sa pako ea sechaba (1 Sam 7:5, 6).
 - g. Ha ho na le litaba tse mpe/bohloko (Neh 1:4).
 - h. Bakeng sa ho tlotsetsoa boemo/pitso e itseng (Lik 13:3).
2. Lintho tse tsamaeang le boitimo.
 - a. thapelo (Lk 2:37).
 - b. ho ipolela libe (Neh 9:1, 2).
 - c. Bofifi le lillo (Joele 2:12).
 - d. khoboso (Neh 9:1).
 - e. Khatello ea maikutlo le boima (Pes 69:10).
 - f. boikokobetso (Pes 35:13).

THAPELO LE HO ITIMA LIJO

3. Litemoso kapa litlhokomeliso bakeng sa boitimo ba Lijo.

- a. Se bonts'e batho ha o itime lijo (Math 6:16-18).
- b. Tsepamisa boitimo ba hau ho Molimo (Sak 7:5).
- c. Sheba moelelo oa 'nete oa boitimo ba lijo (Esa 58:1-14).

4. Litholoana tsa boitimo ba lijo.

- a. Tataiso ea Molimo (Baahl 20:26).
- b. Ho hlola teko (Math 4:1-11).

5. Mehlala ea boitimo ba lijo.

- a. Moshe (Eks 34:27, 28); Baisraele (Baahl 20:26).
- b. Samuele (1 Sam 7:5, 6); Davida (2 Sam 12:16); Elia (1 Marena 19:8).
- c. Sechaba sa Ninife (Jonase 3:5-8).
- d. Nehemia (Neh 1:4).
- e. Dariuse (Dan 6:9, 18); Daniele (Dan 9:3).
- f. Jesu (Math 4:1, 2).
- g. Barutuoa ba Johanne le Bafarisi (Mar 2:18); Anna (Luk 2:36, 37).
- h. Bakreste ba pele (Lik 13:2); Baapostola (2 Bakr 6:4, 5); Paulosi (2 Bakr 11:27).

Ntlha ea Puisano

Sebelisa lintlha tseo re li ts'ohlileng ho akofisa puisano malebana le boitimo ba lijo.

Notes —

THAPELO LE HO ITIMA LIJO

Notes —

Maikutlo a Sengoli ka Boitimo ba Lijo:

Boitimo ba lijo bo nkoa e le mocha oo Molimo a ka sebetsang bophelong ba Hau. Ho itima lijo ke ho lokisa tsela bakeng sa Molimo. Ke mokhoa oa ho itokisetša ho utloa Molimo le ho sebelisoa ke Eena.

Kamehla ke amohela taolo le tataiso nakong tsa liphetoho le linakong tse mahlonoko bophelong ba ka, ka boitimo ba lijo. Ke boetse ke ithutile hore boitimo bo ba le litholoana tse batsi ha ke itima bonyane matsatsi a mahlano.

Boitimo bo supa boikutlo ba tlhoko e kholo bakeng sa Molimo. Ke utloa tlhoko ena nameng, 'me hoo ho nthusa ho utloa tlhoko eo moeeng. E boetse e bonts'a maikutlo a teboho ho Molimo. Ke khahloa haholo ke seo ka nako e ngoe ke se nkang hanyane (lijo tsa nama le tsa moea ka ho ts'oana).

Se itumelle ho nka boitimo ba lijo e le tloaelo feela e se nang moelelo kapa mojaro o se nang thuso. Lumella Moea o Halalelang ho u tataisa. O tla u bonts'a ha e le nako ea ho itima. Ka nako e ngoe, a ka u bonts'a hore o itime lijo ka mokhoa oa tatellano e itseng(hang ka beke, mafelo a mang le a mang a beke). E ka ba boemong bo fe le bo fe, se itime ntle le ha Moea o u susumetsa ho etsa joalo, 'me le maikutlo a hau a ikemiselitse.

Maikutlo a Hau ka Boitimo

THAPELO LE HO ITIMA LIJO

Tse Qetellang

¹Dick Eastman, lithuto li ipapisitse le lithuto le lingoloa tsa Dick Eastman's "Thupelo ea Thapelo," 1986. Ho tsoa bukeng ea The Hour That Changes the World ka Dick Eastman, Baker Book House Publishers, Grand Rapids, MI, U.S.A. – e sebelisitsoe ka tumello.

Notes —

THAPELO LE HO ITIMA LIJO

Notes —